



SECTEUR ADMINISTRATIF

C.P. 8000, 1089 De Quen
Sept-Îles QC G4R 4L9

Tél. : 418 962-0327
Fax : 418 968-0937

Uashtessiu-pishim^u 18, 2012

Innu-takuaikan Uashat mak Mani-utenam utaimun

Anite ka ut mashinatautishunanut utshenat mekuat tekuaitsheht, 24 shiship-pishim^u 2010, eshpitashkamikat assi pakassiun e uitakanit, atusseun La Romaine, ka nanatuapatitshenanut anite ashinit mak eshpishipanit atusseun e utinakanit ashini anite Innu utassit, kassinu ne ishpish mishta-mishkutshipanit, apu apatenimakaniht innuat, apu apatenitakanit ne kassinu tshekuan eshi-takuak tshitassinat mak ne tshitassinan.

Innuat uitamuat ishpish kushpinenitahk kie mitshetuau uitamuat eka menuenitamikuht umenu utat pipuna, eka e utinahk nishuau ka ishi-natshi-ashtuakuht Uepishtikueiau-tshishe-utshimaua, eukuannu ka ishi-uapatinueht ushkat ka tshipishkakh meshkananu mak ne e uitakanit Premier Sommet Territorial ka mishta-natshishkatunanut takuakut ushkau-pishim^u. Nipetuananat innuat eka menuenitahk mak eshi-pakushenitahk aianishkat auassa e tshitapamaht.

Uemut tshika ui tutakanu tshetshi tepishkupanitakanit tshetshi minu-atusseshtakanit pakassiun tshe tutakanit ashit tshetshi tshishpeuatakanit assi. Ishpish mishta-itenitakuak tshetshi ne tutakanit atusseun, uemut tshika ui natuapamakanuat innuat mak tshetshi tapuetahk uesh uinuau ka tshishipeuatah kie uinuau nenu utassiuau.

Tshika ui minu-tshitapakanu ne ishpish mishta-akuatshipanit kie e shutshi-mitshimiht etenitahk passe innuat anite papeik^u innu-assia mishue Uepishtikueiau-assit e tshitapatakanit; ekuan tshe ishpish pikunakanit tshitipenitamunnan, ekuan tshe ishpish uenutishiueuatsheht kauapashiht kie anitshenat maniteuat ute eshpitashkamikat tshitassinannu e utinamuakanniti tshitauassiminat utuenutishiunnuau.

Tshetshi ne tutakanit atusseun, ume nika tutenan :

- 1- Innu-takuaikan Uashat mak Mani-utenam tshika ituteu ka natshishkatunannut Sommet territorial ashit Uepishtikueiau-tshishe-utshimaua mak kassinu innu-assia (itshi-innuat) ute Uepishtikueiau-assit umenua pishimussa, tshetshi ut takuak ishpiteitamun innuat ashit Uepishtikueiau-tshishe-utshimaua;
- 2- Tshetshi mamuituiak^u tshinanu innuat, ashit kutaka innu-assia (itshi-innuat) ute Uepishtikueiau-assit tekuaki ne e uaitakanit assi;
- 3- Tshetshi eka natapishtuakaniht utat, anutshish mekuat kie ma aishkat anitshenat utshimauat, eshk^u eka minu-uaitamuakaniht innuat Uashat mak Mani-utenam, tshetshi ueuetashtakanit ne atusseun tshetshi ut uitakanit tanite tshe atussenanut mak tanite tshe tshishpeuatakanit;
- 4- Tshetshi eka utinakanit atusseun ua tutakanit eshk^u eka ueuetinakanit ashit innuat Uashat mak Mani-utenam ne tshinanu eshi-uapatamak^u tshitassinan;
- 5- Tshetshi tshimatakanit tshe ishi-pimutenanut innit ne e uaitakanit assi ashit tshetshi uaitamuakaniht innuat;
- 6- Tshe ishi-pimutenanut tshetshi aiat tapuetatishunanut ashit tshe ishi-ueuetinakanit takuaikan-innu-aitun, tshetshi ut tshissenitakutaiak^u tshueuetashueunnan mak eshi-pimuteiak^u.
- 7- Tshetshi shaputue nashatsheiak^u kaueueshtakanit : tshetshi nashuak^u Utauau-tshishe-utshimau ne e uitakanit ueueshitun ashit Innu Nation, tshetshi nashuakanit IOC, tshetshi nashuakanit Uepishtikueiau-tshishe-utshimau atusseun La Romaine.

Innu-utshimau

Georges-Ernest Grégoire